



Clypevs Theologiæ Thomisticæ

Continens Tractatus de erroribus Pelagianorum, de Gratia, de
Iustificatione & Merito, de Virtutibus Theologicis, & quatuor Cardinalibus,
ac de ineffabili mysterio Incarnationis

Gonet, Jean-Baptiste

Parisiis, 1669

Art. IV. Vtrum Christus virtutes morales per se acquisibiles, propriis
actibus comparaverit, vel eas per infusionem acceperit?

[urn:nbn:de:hbz:466:1-77342](#)

in Beelzebuth ejiceret dæmonia, respondit: Ego **A**
Dæmonium non habeo &c. ubi Theophilactus ait,
Christum honorasse Patrem suum ulciscendo. Dei
etiam injuriam propulsavit, cùm factò ex funicu-
lis flagello, de templo vendentes & ementes eje-
cit: Ergo &c.

32. Major difficultas est de europelia, qua cùm cir-
 ca jocos & ludos ut propriam materiam versetur,
 sicut docet S. Thomas 2. 2. quæst. 168. art. 2. non
 videtur fuisse in Christo, qui jocos & ludos nun-
 quam exercitat. Nihilominus dicendum est, etiam
 istam virtutem in Christo fuisse: Tum quia sicut
 materia liberalitatis sunt pecuniae non solum ut
 distribuenda, sed etiam ut omnimodè contem-
 pienda; ita dici potest materiam europelia esse
 jocos & ludos, non solum ut exercendos, sed
 etiam ut contemendos: Christus verò jocorum
 & ludorum exercitium contempnit. Tum etiam,
 quia esto joci & ludi ut exercendi, sint materia eu-
 tropelia, & Christus eos efficaciter nunquam ele-
 gerit, absoluè tamen elecio efficax illorum,
 Christo non repugnabit, & de facto habuit
 actum conditionatum quo jocos & ludos sub con-
 ditione elegit, quod sufficiens est ut ipsi talis vir-
 tus conveniat. Ratio autem ob quam non elegit
 jocos efficaciter, est quia de rebus magnis agentem,
 ut Christus revera agebat, joci & ludi non
 decent. Ex quo infert Cajetanus, graviter peccare
 prædicatores, qui prædicationi Evangelica ridicu-
 la & jocos admiscent; quia ut ait S. Doctor loco
 citato, in resp. ad 1. *Doctrina sacra maximis rebus*
intendit, secundum illud Proverb. 8. Audite quo-
niam de rebus magnis locutura sum.

33. Quarta etiam pars corollarij, qua afferit philo-
 timiam fuisse in Christo, breviter suaderur. Ei
 non repugnat habitus virtutis Philotimiæ, cui
 proprius illius actus non repugnat: At Christo
 proprius actus Philotimiæ non repugnabat: Ergo
 nec habitus illius. Major patet, Minor probatur.
 Proprius actus Philotimiæ est parvos honores ap-
 petere, ut docet S. Thomas 1. 2. quæst. 60. art. 5.
 & 2. 2. quæst. 129. art. 2. & quæst. 130. art. 2. ad 2.
 Sed hoc ab intrinseco non repugnabat Christo, li-
 cèt enim ejus actibus ex dignitate personæ magni
 honores deberentur, ex aliis tamen capitibus po-
 terant parvi honores illis actibus deberi, subinde-
 que poterat Christus eos acceptare, eoque de fa-
 co acceptavit, cùm turbæ clamarent: *Ossanna*
Filio David, Benedicetus qui venit in nomine Do-
*mini: Ergo proprius actus philotimiæ non repug-
 nabit Christo, sed ipsum aliquando exercuit.*

34. Tandem probatur ultima pars in qua dicitur
 non fuisse in Christo virtutem piæ affectionis ad-
 credendum: Tum quia in voluntate viatoris ad
 piam illam affectionem elicendam non requiri-
 tur virtus seu qualitas habitualis, sed auxilium
 actuale sufficit, ut in Tractatu de virtutibus Theo-
 logicis probatum est. Tum etiam, quia esto talis
 virtus admittenda esset, illa tamen non potest re-
 periri nisi in eo in quo reperitur fides, cùm esse
 essentia ordinetur ad determinandum intellectum
 ad credendum: At ista non potuit esse in Christo,
 ut primâ conclusione ostendimus: Ergo nec illa.

*Diff. 6.
art. 1.*

ARTICVLVS IV.

Vtrum Christus virtutes morales per se acqui-
sibilis, propriis actibus comparaverit, vel
eas per infusionem acceperit?

Supposito quod Christus habuerit virtutes na-
 turales & per se acquisibilis, ut articulo pra-
 cedenti ostensum est, restat explicandus modus
 quo illas accepit, & declarandum, an eas per in-
 fusionem habuerit in primo instanti sue concep-
 tionis, sicut docent communiter Theologi de Ada-
Bmo, an verò eas proptiis actibus sibi comparar-
 rit: Hoc enim in Schola Thomistarum proble-
 maticum est, aliis afferentibus virtutes illas fuisse
 à Christo propriis actibus acquisitas, aliis è con-
 tra affirmantibus illas fuisse infusas animæ Christi
 à primo instanti conceptionis. Primum tenent
 Cabrera, Nazarius, Aravius, Cipullus, & Her-
 rera in manuscriptis de Incarnatione: alterum de-
 fendit à Medina, Alvare, Vincentio Asturensi,
 Joanne à S. Thoma, & ab illusterrimo Oxonensi
 Episcopo, in manuscripto ejusdem tractatus. Huic
 etiam adhærent tententia Suarez, & Vazquez,
 & alii ex modernis; illeque dicendi modus vide-
 tur probabilior, & dignitati ac perfectioni animæ
 Christi favorabilior. Unde sit

§. I.

Sententia affirmans virtutes morales per se acqui-
sibilis, Christo fuisse in primo instanti sua concep-
tionis infusas, ut verior & probabilior eligitur.

Dico igitur: multò probabilius est virtutes
 morales per se acquisibilis, Christo fuisse à
 primo instanti sua conceptionis infusas.

Hanc conclusionem probat Suarez hic disp. 19. 86.
 sect. 2. hoc discursu. Adamo, quia erat caput mo-
 rale omnium hominum, fuerunt à primo sua for-
 matiōnis instanti infusa per accidens omnes vir-
 tutes morales: Sed Christus fuit multò perfectius
 caput totius generis humani, quam Adamus: Er-
 go à fortiori fuerunt illi infusa omnes virtutes
 morales à primo conceptionis instanti.

Sed hoc argumentum non urget, ut enim docet D. Thomas 1. p. quæst. 94. art. 3. Adamo in
 primo instanti fuerunt infusa per accidens spe-
 cies representativæ omnium, & tamen ut idem S. Doctor hic quæst. 9. art. 4. afferit, species istæ
 non fuerunt infusa Christo à primo instanti con-
 ceptionis: Ergo ex Adamo ad Christum non po-
 test efficax argumentum desumti. Unde

Vazquez conclusionem nostram aliter suadere
 nititur, hoc nimis argumento: Si Christus ab
 initio conceptionis non habuisset omnes virtutes
 morales infusas, difficultatem habuisset in ordine
 ad bonum honestum: At inconveniens videatur
 difficultatem istam in voluntate Christi admite-
 re: Ergo concedenda sunt virtutes per se acquisi-
 biles in anima Christi Domini ab instanti concep-
 tionis, per quas summam promptitudinem ad bo-
 num honestum habet.

Sed hæc etiam ratio, nisi aliud habeat, non vi-
 detur efficax: Nam licet inconveniens sit voluntä
 Christi Domini habere positivam difficultatem
 ortam ex habitu vitioso, vel ex passionibus
 inordinatis appetiūs, quod tamen difficultatem
 negativam haberet, ortam ex carentia habitum,
 non videtur inconveniens, nec à prædicto Autho-



re probatur, quod tamē necessariū erat ostendere. Confirmatur argumento ad hominem: Intellectus Christi non habuit ab initio conceptionis scientias omnes naturales, & consequenter difficultatem negativam habebat in ordine ad verum, quod est objectum intellectus, ut faterur Vazquez, neque hoc inconveniens reputat: Ergo nec inconveniens debet censere, quod voluntas Christi difficultatem negativam in ordine ad bonum habuerit.

88. His ergo argumentis prætermis, unica, ut existimo, sufficit ratio quā nostra sententia probabilitas efficiaciter suaderet, & qua ab illustrissimo Episcopo Oxomensi, loco citato, sub hac forma proponitur. Christo debemus concedere id quod dignius & perfectius est: Sed habuisse à primo instanti conceptionis infusas omnes virtutes morales, dignius & perfectius est, quam illas decursu temporis suis actibus comparasse: Ergo afflere debemus fuisse omnes virtutes morales per accidens Christo infusas in primo instanti conceptionis. Major est certa, ex hoc enim principio infert S. Thomas infrā quæst. 19, art. 3. Christum non meruisse gratiam habitualem, nec beatitudinem animae, quia ad hoc requirebatur, quod illis aliquando carueret: dignius autem & perfectius est, gratiam & beatitudinem semper habere, quam eis carere per tempus, & per meritum comparare.

Minor vero probatur ex doctrina ejusdem S. Doctoris ibidem: Quando perfectionis carentia magis dignitati subjecti præjudicat, quam per illius acquisitionem accrescat, melius est illam à primo instanti habere ab alio, quam habere illam à se, & per aliquod tempus eā carere: Sed virtutem moralium carentia, magis præjudicat dignitati Christi, quam accrescat ex illarum acquisitione: Ergo melius & perfectius est, habuisse illas à primo instanti infusas, quam decursu temporis propriis actibus comparare. Major pater, Minor vero in qua est difficultas, ostendit ex alia doctrina quam tradit idem Doctor Angelicus i. 2. quæst. 56. art. 3. in corp. ubi hoc inter virtutes morales & purè intellectuales statuit discrimen, quod illæ sunt virtutes simpliciter, quia non solum præbent facultatem agendi, sed etiam benè agendi, beneque utendi habita facultate, ex quo sit quod habentem simpliciter bonus reddit: virtutes autem purè intellectuales, solum dant facultatem agendi, non autem benè utendi facultate habita; unde non reddit habentem simpliciter bonus, nec sunt virtutes simpliciter, sed tantum secundum quid. Ex qua doctrina sic probatur Minor. Ex carentia virtutum moralium acquisitarum redderetur Christus non bonus simpliciter, cum per illas bonus simpliciter constituantur: Sed Christum non esse bonum simpliciter, magis ejus dignitati præjudicat, quam ei accrescat ex illarum acquisitione habita per proprios actus, ex qua tantum redditur bonus secundum quid, scilicet quoad modum habendi illas virtutes à se: Ergo istarum virtutum carentia magis dignitati Christi præjudicat, quam proveniat dignitatis ex illarum virtutum acquisitione per proprios actus habita.

89. Respondent Adversarij: virtutes per se acquisitas non fuissent necessarias in Christo, ut per illas redderetur bonus simpliciter, cum per gratiam unionis, & gratiam habitualem, ac virtutes infusas, bonus simpliciter foret, quamvis virtutibus acquisitis careret.

A Sed contra: Quamvis humanitas Christi ex gratia unionis reddatur sancta simpliciter, sanctitate ordinis hypostatici, eminenter continentem quamvis aliam sanctitatem; quia tamen gratia habitualis præstat sanctitatem supernaturalis ordinis, inconveniens reputat D. Thomas infrā quæst. 19. art. 3. quod eā Christus aliquando caruerit, censemque quod gratia habitualis carentia, magis præjudicat dignitati Christi, quam ex illius merito accrescat: Ergo quamvis per gratiam & virtutes infusas constituantur Christus bonus simpliciter, bonitate ordinis supernaturalis; quia tamen virtutes per se acquisitas præstant bonitatem simpliciter ad ordinem naturæ spectantem, inconveniens debet reputari, quod Christus illis aliquando caruerit, & sentiendum est, illarum carentiam magis perfectioni Christi præjudicare, quam ex illarum acquisitione ei dignitatis & perfectionis proveniat.

B Confirmatur & magis illustratur hæc ratio: Virtutes per se acquisitas, esti non constituant subiectum bonum simpliciter, bonitate omnis ordinis, dant tamen bonitatem simpliciter in ordine naturali: Ergo licet ex illarum carentia non redditur subiectum non bonum simpliciter in omni ordine bonitatis, redditur tamen non bonus simpliciter bonitate ordinis naturalis: Sed non solum est inconveniens, Christum aliquando fuisse non bonus simpliciter bonitate ordinis supernaturalis, sed etiam hac bonitate supposita, inconveniens est quod fuerit non bonus simpliciter bonitate morali ad ordinem naturæ spectante: Ergo ut hoc inconveniens vitemus, constituenda sunt in Christo à primo instanti conceptionis virtutes per se acquisitas, per quas bonus simpliciter in tali ordine constituantur, & carentia bonitatis simpliciter in ordine naturali excludatur.

C Dices cum Herrera, & Cabrera: hoc argumento suaderi quidem, Christum virtutes morales acquisitas ab initio conceptionis habuisse, sed non probari quod fuerint illi tunc per accidens infuse, cum potuerit illas in primo instanti conceptionis propriis actibus comparare.

D Sed contra: Christus non potuit habere illas virtutes in primo instanti conceptionis per proprios actus: Ergo si illas ab initio conceptionis habuit, per infusionem à Deo illas recepit, non vero per proprios actus acquisivit. Consequentia manifesta est. Antecedens probatur. Christus in primo conceptionis momento non potuit se exercere in actibus omnium virtutum moralium: Sed hoc necessarium erat, ut virtutes omnes propriis actibus acquireret: Ergo Christus non potuit omnes virtutes morales per proprios actus acquirere in primo instanti conceptionis. Minor est evidens, Major probatur: Tum quia actus intellectus & voluntatis Christi erant dependentes à sensibus, qui operantur per motum corporalem, & dependentem à motu alterationis: motus autem non potest esse in instanti. Tum etiam, quia non potuit Christus actus omnium virtutum moralium elicere, nisi præsentes haberet per intellectum & cognitionem proprias materias illarum virtutum, simulque per naturalem prudentiam de omnibus agendis circa illarum objecta judicaret, ac deniq; electiones intenſissimas circa illa eliceret: Sed evidens est, quod hæc omnia in unico instanti, & in primo conceptionis momento, Christus præstare non potuit; unde enim habuisset species tot rerum, & objectorum sensibilium, præsertim intra matris

550 DISPUTATIO DODECIMA

utrum clausus, ubi certissimum est tot objecta sensibilia quorum species recuperet in promptu non habuisse? Nec fuerunt tunc illi species istae infusa à Deo, ut docet S. Thomas infra quest. 9. art. 4. Ergo Christus non potuit in primo conceptionis momento actus omnium virtutum moralium elicere.

Nec vales si dicas, quod licet Christus hoc non potuerit connaturaliter, & de potentia ordinaria, bene tamen miraculosè & supernaturaliter, ac de potentia absoluta. Non valet, inquam, Tum quia nullum adest fundamentum astringendi hoc miraculum. Tum etiam, qui ideo Adversarij volunt Christum actus omnium virtutum moralium in primo conceptionis momento eliciisse, ut defendant virtutes morales per se acquisibilis, fuisse à Christo ab initio conceptionis connaturaliter habitat: Sed ad connaturalem illarum acquisitionem, miraculosa actuū elicitia non conductit: Ergo &c.

§. II.

Solvuntur objectiones.

93. Objicies primò: Scientiae acquisitæ seu naturales non fuerunt per accidens infusa Christo, sed proprijs actibus eas acquisivit, ut docet S. Thomas, infra quest. 12. art. 2. Ergo similiter debuit proprijs actibus acquirere virtutes morales naturales, & per se acquisibilis, non verò eas per infusionem a Deo immediatè recipere.

Respondeo, concessò Antecedente, negando consequentiam, & paritatem, ob duplum rationem discriminis, que inter scientias & virtutes acquisitas seu naturales reperitur. Prima est, quia scientiae naturales non reddunt subjectum bonum simpliciter, sed tantum secundum quid, ac proinde ex illarum carentia non constituitur non bonum simpliciter in aliquo ordine; ex quo ulterius fit, non plus derogari perfectioni Christi per carentiam scientiarum naturalium ad tempus, quam ei accrescat ex connaturali illarum acquisitione; cuius oppositum in virtutibus acquisitis contingit, ut ex supra dictis constat.

Secunda ratio discriminis est, quia si scientiae per se acquisibilis fuissent humanitati Christi per accidens infusa à primo instanti sua conceptionis, intellectus agens anima Christi perpetuo manifester privatus suo proprio munere & officio, quod est abstrahere species intelligibiles à sensibilibus, illustrando phantasmata, ut docent Philosophi in libris de anima: erat autem magnum inconveniens, quod aliqua potentia manaret in anima Christi perpetuo privata actu proprio & sibi connaturali. Ex hoc verò quod Christus recupererit per infusionem omnes virtutes morales à primo instanti sua conceptionis, non sequitur synderesim, vel aliam potentiam anima Christi, fuisse in eo otiosam, & perpetuo privatam suo proprio munere: quia potentia anima Christi, virtutibus illis semel informata, actus ejusdem speciei circa materias virtutum moralium producerunt, quos per virtutes morales à se comparatas eliciissent.

95. Dices, Voluntas humanitatis Christi habet vim naturalem acquisitivam virtutum: Sed si virtutes omnes habuisset ab initio infusas, redderetur ista potentia frustranea, cum nunquam rediretur in actu acquirendi virtutes: Ergo sequetur idem inconveniens, ac si omnes scientiae

naturales per accidens illi fuissent infusa.

Respondeo distinguendo Majorem: Voluntas humanitatis Christi habet vim naturalem acquisitivam virtutum, per se primitò ad talem actu ordinatam, & per actum distinctum ab actu virtuoso & honesto, nego Majorem. Non perse primò ordinatam, & per actum indistinctum, concedo Majorem, & concessa Minor, nego Consequentiam. Nam inconveniens in infusione specierum, seu scientiarum naturalium, consistit in eo quod intellectus agens, cuius actus adequatus, & ad quem primariò ordinatur, est specierum abstractio, a tali actu perpetuo suspensus manereret: in parte autem appetitiva non damus potentiam que per se primo ordinetur ad acquisitionem virtutum, sed eadem voluntatis potentia est voluntia primariò, & ex vi actu volunti, est secundariò acquisitiva virtutum, si in subiecto non praexistat: unde ex eo quod in actualem virtutum acquisitionem nunquam proutum, non sequitur potentiam aliquam appetitivam, actu sibi adaequato, & ad quem primariò ordinatur, perpetuo privatam existere, sed tantum aliquo sui actu exercitio secundario.

Objicies secundò: Perfectius & nobilis est habere virtutes acquisitas à se, quam illas habere ab alio: Sed Christo debemus tribuere quod nobilis & perfectius est: Ergo non habuit virtutes morales infusa à Deo, sed à se acquisitas. Minor constat, Major vero sic ostenditur. Agere est quid perfectius quam pati: Sed habere virtutes acquisitas à se, est agere: habere autem illas ab alio, est passivè comparari ad illas: Ergo perfectius est habere virtutes à se, quam habere illas infusa ab alio.

Respondeo Majorem veram esse, si cetera paria sint, secundùs autem si paritas non servetur, ut in praefecti contingit; nam habere virtutes comparatas à se, importat carentiam illarum per aliquod tempus, ex quo sequitur, humanitatem Christi fuisse aliquo tempore non bonum simpliciter bonitate morali ordinis naturalis: quod magis derogat dignitati Christi, quam ei accrescat ex acquisitione virtutum; & ideo melius fuit Christo illas habere infusa ab extrinseco, numquam illis carente, quam eas per proprios actus acquirere, cum carentia illarum per aliquod tempus. Solutio est D. Thomae infra quest. 19. art. 3. in corp. ubi sic discurrit: *Habere aliquod donum per se, est nobilis quam habere illud per aliud, semper enim causa que est per se, potior est ea qua est per aliud...* Quia autem omnis perfectio & nobilitas Christo est attribuenda, consequens est quod ipse per meritum haberet illud quod alii per meritum habent, nisi sit tale quod eius carentia magis dignitati Christi & perfectionis praividet, quam per meritum accrescat. Vnde nec gratiam, nec scientiam, nec beatitudinem anima, nec divinitatem meruit: quia cum meritum non sit nisi eius quod nondum habetur, oportet quod Christus aliquando istis caruisse, quibus carere magis diminuit dignitatem Christi, quam augent meritum.

Dices, Melius fuit Christo gloriā corporis per aliquod tempus carere, illam obtinendo per merita, quam illam habere à principio sine proprijs meritis: Ergo patiter melius est Christo, virtutes morales proprijs actibus acquirere, eis carente per aliquod tempus, quam illas habere per infusionem à principio conceptionis.

Sed nego consequentiam & paritatem, Chri-

Alus enim gloriā corporis per aliquod tempus cārere debuit, quia ejus carentia ad finem redēptionis conducebat, & illi concedi debet quod melius & perfectius est, nisi oppositum ad finem redēptionis conduceat; hāc autem ratio in virtutibus acquisitis locum non habet, quia illarum carentia ad redēptionis finem non conduceat.

99. Objicis tertio: Prudentia per se acquisibilis non fuit Christo per accidens infusa ab initio conceptionis: Sed virtutes naturales sine prudentia esse nequeunt: Ergo non fuere per accidens Christo infusa à primo instanti conceptionis. Minor est D. Thomas 1. 2. quæst. 58. art. 4. Major verò probatur. Prudentia dependet à speciebus intelligibilius rerum singularium, nam ad illam pertinet judicare de actibus singularibus, & constitue medium rationis in illis: Sed anima Christi non habuit à principio species intelligibilius rerum singularium sibi infusa, sed eas ministerio intellectus agentis successu temporis acquisivit, ut docet S. Thomas infra quæst. 9. art. 4. Ergo non habuit à principio prudentiam sibi infusa.

100. Respondeat Vazquez hic disp. 42. cap. 2. num. 5. quod quando dicitur Christum habuisse à primo instanti conceptionis omnes virtutes morales infusa, excipi debet prudentia naturalis, quæ ob rationem in objectione adductam, non fuit tunc infusa Christo per accidens, sed successu temporis propriis actibus comparata, sicut scientiæ naturales. Loco tamen illius (inquit) repræsentavit scientia infusa Christo objecta virtutum moralium, & supplevit vices prudentiæ naturalis, pro illo tempore.

101. Sed hāc solutio & doctrina stare non potest cum fundamentis suprà statutis: Ideo namque constitutimur virtutes naturales morales ab initio conceptionis in humanitate Christi, quia cūm habentem illas bonum simpliciter reddant, ex eaurum carentia redderetur Christi humanitas non bona simpliciter, bonitate morali ordinis naturalis: Sed idem inconveniens sequitur ex negatione prudentiæ naturalis in Christo in primo instanti conceptionis, cūmetiam prudentia virtus simpliciter sit, imò & regina virtutum moralium: Ergo ut consequenter loquamur ad nostra principia, prudentia naturalis in anima Christi Domini, ab initio conceptionis, unà cum aliis virtutibus moralibus ordinis naturalis constituenda est. Unde haec solutione pratermissa.

102. Ad objectionem respondeo, negando Majorem, ad cuius probationem dicendum est, quod quamvis non fuerint infusa anima Christi species scientiarum, seu rerum scibilium per scientias merè speculativas, nihilominus infusa fuerunt ei per accidens species intelligibilius circa proprias materias virtutum moralium, quæ præsupponuntur & requiruntur ad judicium prudentiale, ut virtus prudentiæ, qua princeps est inter virtutes morales, statim posset in suum actum prodire, & medium constituerre. Unde non est ea-dem ratio de speciebus intelligibilius pertinentibus ad intellectum prædictum, ac de his qui pertinent ad intellectum speculativum; primæ enim fuerunt anima Christi ab initio sua conceptionis per accidens infusa, non autem secundæ, ut relinqueretur locus ministerio intellectus agentis.

ARTICVLVS V.

Virtus in Christo facient dona Spiritus Sancti, & gratia gratis date?

Dico primum: in anima Christi Domini fuerunt omnia Spiritus Sancti dona.

Conclusio est certa de fide, constatque ex illo Isaïæ 11. Requiescit super eum Spiritus Domini, Spiritus sapientia, & fortitudinis &c. Ubi fieri sermonem de Christo secundum humanitatem, est communis Patrum & Scholasticorum consensus; cùmque ibi enumeraentur quatuor Spiritus Sancti dona pertinentia ad intellectum, & tria ad voluntatem, omnia Spiritus Sancti dona fuisse in Christo, indubia fide tenendum est.

Ratio etiam id suadet: Primò quia dona Spiritus Sancti consequuntur gratiam & charitatem, ut docet D. Thomas 1. 2. quæst. 68. art. 5. Sed in Christo fuit gratia perfectissima, & per consequens charitas intensissima: Ergo fuerunt in illo perfectissimè Spiritus Sancti dona.

Secundò, ut discirrit idem S. Doctor hic art. 5. Dona Spiritus Sancti sunt perfectiones quædam potentiarum, secundum quod nate sunt moveri à Spiritu sancto: Sed anima Christi perfectè movebatur à Spiritu sancto, iuxta illud Luca 4. Iesus autem plenus Spiritu sancto regressus est à Jordane, & agebatur à Spiritu in desertum. Ergo in Christo fuerunt omnia Spiritus Sancti dona.

Tertiò eadem veritas declaratur explicando actus quos habuit in Christo quolibet donum in particulari, causa enim non potest melius quam ex effectibus ejus manifestari. Donum ergo sapientiae ad hoc Christum disponebat, ut facile à Spiritu sancto moveretur ad ferendum certum iudicium de rebus æternis per altissimas causas.

Donum verò intellectus id Christo tribuebat, ut recte ac statim penetraret quæ divinitus proponebantur. Donum consilij, ut ejus animus rationem statim inveniret agendum, & de illis certitudinem haberet. Donum scientiæ, ut secundum rationes inferiores certissime & evidenter de rebus que occurribant judicaret. Donum fortitudinis expellebat ab eo ut viatore mortis & cruciatum formidinem, ut sic ad exitum perduceret opus redēptionis humanae, fidaciam illi conferendo de imminentium periculorum evasione. Donum verò pietatis disponebat Christum ut Deum respiceret ac coleret, non quidem tanquam filius adoptivus, ut alii justi, sed tanquam filius ejus naturalis. Hæc sunt certa & indubitate apud omnes.

Sed difficultas est, quomodo donum timoris in Christo fuerit, seu quem actum in ipso habuerit? Ratio verò dubitandi est, quia timor propriè acceptus est fuga mali apprehensi & imminentis, ac difficile vitabilis, ut docet Divus Thomas 1. 2. quæst. 41. art. 2. & quæst. 42. art. 2. Sed Christo non fuit imminens malum pœna propter culpam propriam, quod est objectum timoris servilis; nec fuit imminens malum culpæ, aut separationis à Deo, quod est objectum timoris casti & filialis, cùm non poruerit de potentia absoluta peccare, nec per consequens propter culpam puniri: Ergo non fuit in eo timor servilis nec castus, subindeque in ipso nullus fuit actus propriam obtainitionem timoris.

Pro resolutione hujus difficultatis, notandum